

宋

會

要

# 軍賞

淳熙五年九月十日詔江陵副都統司左  
軍旗頭王虎特補承信郎差充本司準備將候有顯日  
先次撥填以京西安撫司言虎首說陳應詳等欲結連  
軍人作過事有其實故也十月十四日詔進勇副尉劉  
存特與轉三資張亮等各特與補轉兩資陳禮等各特  
與補轉一資李惠等今轉運司等第犒設一次譚愛等  
令吏部照見行格法合得恩賞開具申樞密院王智等  
令轉運司等第優支犒設以給其家從事郎宜州司戶  
兼錄參注楚材特與循三資候任滿與屬官差遣一次  
進義校尉宜州思立寨同管轄兵甲公事王圭特與轉

承節郎與陞擢差遣忠訓郎天河縣令對移宜山縣尉  
鄭達之特與轉一官與陞擢遣從事郎新南雄州始興  
主簿李南強循其與占射差遣一次借補承信郎權宜  
州河朔縣尉張世明特補進義副尉宜州守臣沙世堅  
特與轉遙郡團練使以廣東經畧安撫司言存等收捕  
徭賊有功故也閏十月二十一日詔神勁軍權統領劉  
信特與轉兩資使臣劉松韓誠各特與補資差使並舊  
以京西安撫司言信等捕獲賊徒陳應祥等故也慶元  
元年正月十九日湖北安撫使王藺提刑陳謙言辰州  
徭人侵犯省界作過已差逐處官兵土丁等討捕悉定  
乞將神勁步軍副將守關進勇副尉王守忠特與轉進

武枝尉神勁馬軍準備將進勇副尉孔孝忠神勁馬軍  
訓練官守闕進勇于忠信神勁步軍部將進勇副尉李  
再立並特與轉進義枝尉鄂州都統司正將承節郎丁  
順副將降授成忠郎馬謹各特轉一官減二年磨勘江  
陵副都統司正將進勇副尉張顯特與轉進義枝尉副  
將承忠郎賈興特與轉忠翊郎鄂州都統司訓練官黃  
率暴露身故特與一子進勇副尉恩澤第一等功神勁  
步軍守闕進勇副尉王全陳發效用吳建三人內王全  
獨自手擒倭賊二人特轉三資吳建特與補兩資陳發  
特與轉兩資第二等第三等功神勁馬步軍隊將進勇  
副尉喬橫等一十二人各特與補轉一資李定等四十

八人鄂州都統司許欽等八人江陵副都統司范琪等  
十人各特與補一資內軍兵特補將虞候隨逐將官八  
山討捕官兵神勁馬軍一十八人神勁步軍六十二人  
鄂州都統司一百二十八人江陵副都統司三百二十  
六人令安撫司各特犒賞叙浦縣義兵都總轄石子慶  
特與補承信郎副總轄黃汝為特與補進武校尉鄉導  
官軍入洞義兵土丁一千六百人節次軍前隨輕重支  
犒外及內有死事之家令安撫司斟酌各特支犒賞其  
死事之家於衆例支犒外各更倍支並從之 二年三  
月四日詔黎州守臣王聞禮特轉一官義勇軍正將楊  
師傑準備將王全各特轉一官與陞擢差遣新榮州提

督軍馬趙鼎特降一官放罷移近襄州軍居住知安靜  
寨魏大壽特降一官令制置司斟酌移近襄州軍差遣  
今後不得於黎州注授仍令制置司行下黎州精察賊  
情動息嚴為備約束官兵不得邀功生事以四川制置  
司言魏大壽啓釁生事以致蕃賊曳夫索等入寇師傑  
等率衆殺退聞禮究心遺事乞行黜陟故也 十一月  
七日浙東提刑司言台州寧海縣臨門巡檢黃立獲到  
賊首水軍指教官胡德首級乞行獎勵詔黃立特轉兩  
官候任滿與陞等差遣 二年正月十一日詔推鋒軍  
第二將正將蕭輝特轉承信郎下班祇應經畧司効用  
部將祝憲進勇副尉効用隊將彪暉効用白身充撥發

宋執中效力白身充都教頭江先首先破敵各特補轉  
兩資進義效尉權瓊州水軍副將林彥等一百一名各  
特轉一資承直郎象州推官符昌言特減二年磨勘奉  
義郎通判瓊州劉渙特減一年磨勘廣西經畧安撫司  
言輝等前征討黎州勞績有差故也五月七日詔推鋒  
軍統領成世忠特減三年磨勘軍兵李炎等六人並與  
軍中合入優異差使其追伏駐隊等都統司尉叢再與  
支給犒設一次以四川制置司言世忠等收賊仗張淵  
等有功故也 元年三月四日樞密院言已降指揮三  
衙江上四川諸軍令激犒射射一次並已支降數去訖  
所有楚州武鋒軍見管效用軍兵約三千二百餘人係

用鎮江大軍關額招置理合一體激犒詔令淮東安撫  
司於元支降糴米本內支使未盡官會內支撥三千貫  
付楚州守臣專充武鋒軍射射激犒使用 二年五月  
十六日詔諸道官兵出戰立功自推恩體例今後忠義  
等人立到戰功並與大軍一體施行如與官兵同力勞  
效亦一等推賞 六月十四日御史中丞充江淮宣撫  
使鄧友言漣水縣界海口土軍管營王聿等殺死海口  
楊巡檢夾古阿打并巡夾古尚叔及捉到婢夾古阿海  
并器甲等照得王聿康源當主代之初能背戎嚮華為  
首率衆補殺夾古阿打等忠憤可嘉今欲各與補承節  
郎從之其後三省樞密院計其開禧用兵前後屬出給



遇立功官轉官轉資告命宣劄綾紙文帖公擬贈告并  
借補下項一官告院文臣一百三十六人武臣三萬八  
七百四十三人計三萬八千八百七十九人一樞密院  
承信郎一百二十四人進武校尉八十四人計二百八  
人一吏部右選進武校尉一萬二千九百七十四人進  
義校尉三萬九千五百二十六人計五萬二千五百人  
一兵部下班祇應一萬五千二百七十二人進義副尉  
二萬二千三百八十七人守關進義副尉三萬一千一  
百七十人進勇副尉四萬一千七百四十二人同進  
勇副尉二萬五百四十四人攝進勇副尉二萬六百八  
十三人守關進勇副尉一十萬二千二百四人守關進

武副尉四人計二十五萬四千一十七人都指揮使六  
百八十人都虞侯四千六百六十七人指揮使八千九  
百二十七人副指揮使一萬五千一百三十九人都頭  
九千九百四十九人副都頭一萬三千二百五十四人  
軍使五千九百二十三人副兵馬使四千七百三十六  
人計六萬三千二百七十五人十將一萬四千九百六  
十五人將虞侯七萬六千一百一十三人承局二萬四千四  
百一十人押官七萬七千四百七十七人計一十八萬七千  
三百九十五人一兵部十資一人八資四人七資一十  
九人六資二百五十八人五資二千一百七十九人四  
資三百七十八人三資三千二十九人二資二千三百

六人一資五千七十五人計一萬三千二百四十九人  
殿前司資公據一千八百五十八人步軍司出給木圓  
公據七百三十五人官告院借補公據進義校尉三十  
人一官告院文臣六人武臣四萬六百七十三人計四  
萬六百七十九人一司封承信郎至守闕進勇副尉四  
萬三千四百七十六人通計六十九萬六千三百一人  
詳見開禧功賞總類 七月七日詔忠翊郎呂渭孫特  
轉三官仍令宣司更與陞擢以湖北京西宣撫司言其  
誅戮私作過點徒蔡飛等三十八人故也二十八日詔  
經郎安豐軍城澗鎮沿淮巡檢汝霖特轉一官弓兵令  
本軍優支犒設一次軍言汝霖以補結集攔路劫奪之

賊乞加旌賞故有是命 八月十五日詔臨安府抄佐  
蘇師旦物業約及百萬貫多繫饋遺所積令封樁庫先  
次各兌三十萬貫付三宣撫司椿管專充激犒立功士  
使用以金會中半支降內四川宣撫司全金給降並熙  
元納色及價直紐計互見賊佑門十六日湖北京西宣  
撫司言出戍大軍多闕衣遂逐急計置責令鄂州水軍  
統制東義郎柳脩穿脩舊甲打造刀鍋一月之內穿脩  
人甲一萬一千四百五十四副打造提刀五千口皮  
全熟鐵鍋八百口已接續發赴軍前了當委是効力辦  
事乞量行推賞詔柳世脩特轉一官 二十一日詔左  
軍統制兼知安豐軍王大才特轉一官 以山東京東

路招撫使郭倪等言具昨壽州城下應援親冒矢石委  
有勞効故也九月二十八日詔武功大夫左驍衛將軍  
殿前司選鋒軍統制畢再遇特帶行遣郡刺史武藝大  
夫殿前司中軍統制何汝霖特轉武功大夫武翼郎殿  
前司前軍市制耶律域特轉武功郎忠翊郎鎮江前軍  
統制劉元鼎保義郎鎮江前軍同統制郭揆各特轉兩  
官以山東京東路招撫使郭倪言其昨於鳳凰山掩  
截番軍見陣立功內劉元鼎郭揆該暴露賞併行推恩  
故也同日詔武功大夫忠州刺史鎮江武鋒軍統制陳  
孝慶特轉選郡團練使以郭倪言其技後泗州又在  
鳳凰山獲捷故也同日詔秉義郎山東京東路招撫使

司參議官吳衡特轉兩官以郭倪言其前知盱眙軍

悉力應助陳孝慶等收復泗州及進取靈璧虹縣等處  
故也十一月二十八日詔江陵副都統制魏友諒身先  
士卒力戰拔圍特轉三官統制官馬謹統領官宋琮各  
特轉兩官雍政特補承信郎十二月十七日淮南運  
判兼淮西提刑提舉李洪言無為軍治素無城壁近者  
濠州安豐水寨丁壯老小數萬奔潰雜還而至所未免  
焚掠其他流徙之衆亦復因以假劫寢及近境闔郡駭  
懼亟委本司鐵冶幹辦公事儒林郎王漢往撫諭慨然  
肯行匹馬深入其屯聚之窟諭以赤心開以禍福誠意  
孚感舉皆退聽及詢其衆所歸心者民安統制夏瓊曹

智通二人皆以為使臣已隨宜給以糧米責以保守朋  
庭人心賴之以安臣頃被隨軍之命檄漢偕往忠義自  
許略無難色今所遇出於倉卒易於生變而漢能抗志  
自往奮身敢為其舉員雖未及格已為工部職司乞將  
漢特賜旌擢以示褒勸詔王漢特改合入官 同日詔  
承直郎淮南轉運司幹辦公事黃□特轉一官候改官  
了日收使從政郎添差監真州造船場趙希蔡特循兩  
資以淮南運判兼淮東提刑孟猷言其於楚州道梗之  
時津運糧食得達石梁應副支遣遂無闕之故也十九  
詔招撫司主管機宜文字從政郎楊州推官陳璧特轉  
儒林郎準備差遣迪功郎楚州州學教授應鏞特轉文

林郎

以山東京東路招撫使郭倪言其合該暴露賞數

內應鑄礮正法緣軍功暴露與捕盜運糧事體不同乞

特與轉行政有是命二十二日詔德安府守臣李師尹

特與轉行右武大夫通判王允初統轄李誼各特轉三

官立功人并守城官兵各令宣撫司開具軍分職次姓

名保明申三省樞密院以憑推賞三年正月四日詔

知楚州節制出戍軍馬李郁堅壁禦虜奮勇可尚特轉

遙郡觀察使仍疾連開具禦戰功兵將官等人職位姓

名及已唱轉過官資申三省樞密院推恩二月八日

詔鄂州江陵府駐劄御前諸軍都統制兼京西北路招

撫使兼知南陽府趙淳保守襄陽屢獲勝捷忠節顯著



備見勤勞特轉忠州團練使武經郎江陵副都統制魏  
友諒特轉武翼大夫 二十五日詔右軍統制武翼郎  
王大才特轉武功大夫忠州刺史以權知楚州節制出  
戍軍馬李郁言虜城衛定清河口侵犯本州大才節次  
立功共唱轉一十六官開具月日申乞施行故有是命  
三月五日詔彭輅特轉正任刺史依舊金州副都統制  
策應荆襄軍馬隨行軍兵各補轉三資各支犒設錢二  
十貫令湖北京西宣撫司支給內兵將官開具職位姓  
名中三省樞密院優異推恩以輅係知金州兼管內安  
撫金州副都統制以吳曦謀叛欲招輅用之故輅棄城  
及全軍獨率帳下三百人從興山路出歸州夔路運判

李奎同至江陵府自歸於朝廷時荆襄宣撫使吳獵具  
以奏聞故有是命十三日詔李淳堅守圍城忠節策勵  
不假外援破賊立功特轉武安軍承宣使十六日詔  
右武大夫知德安府李師尹武德郎知鄆州王宗廉堅  
壁禦虜備見忠勞李師尹特轉遙郡防禦使王宗廉特  
轉三官二十四日詔承議郎京西隨軍轉運權運司  
職事郎袁特轉三官別與監司差遣以袁自陳去各虜  
圍閉襄陽袁親率官隸擐甲執兵堅守城壁群虜退  
散今袁年踰五十心志早衰當此驚憂筋力彫耗虜騎  
既退流民盜賊正賴撫集誠非養疴之所欲乞陶鑄一  
宮觀發遣故有是命二十五日詔朝請郎隨軍轉運權

四川宣撫副使兼陝西河東招撫使安丙特轉中大夫  
除端明殿學士知興州兼四川宣撫副使以誅吳曦之  
功故也四月十二日詔興州中軍副將李好義踏白軍  
統制王喜各特轉正任防禦使以三省樞密院言其與  
安丙同謀剿殺逆曦之人理合先次推賞故有是命十  
七日詔訓武郎興州駐劄御前踏白軍統制王喜特除  
轉武軍節度使興州駐劄御前諸軍都統制以安丙言  
其物謀謀戮逆曦備罄忠勞乞賜優異推恩故有是命  
開禧三年五月一日建康都統權旂遣廬州節制淮西  
軍馬田琳言廬州被虜圍閉之時在城見任州縣文武  
官未霑恩賞乞各量行循轉官資庶以激勵詔奉直大

夫淮西安撫司叅議官轉元老武功大夫權發遣淮西  
馬步軍副總管張玘奉議郎通判解邦俊奉議郎添差  
通判何中實武節郎駐泊安馬都監柴安國各特轉兩  
官淮西安撫司指揮使進武校尉李良臣承節郎施昌  
祖承信郎梅檜承直郎節度推官吳千能迪功郎司理  
參軍祝寬夫脩職郎司戶叅軍趙昌武經郎東南第二  
副將李杓武經郎兵馬都監沈銳脩武郎添差兵馬都  
監范堅武翼郎添差兵馬都監魏肇承信郎監在城都  
酒務李燾保義郎準備差使沈勝洪濟陶榮吳昌林茂  
承節郎前安豐軍安豐縣尉丁松各特轉一官內選人  
比類施行礙止法人依條回授

二日詔進士楊巨源

官特補朝奉郎仍賜緋與通判差遣兼宣撫副使司叅議

成忠郎中軍馬軍正將李好義特轉承宣使敢勇軍士

李貴特補武功大夫選部團練使進士安煥安蕃特補

承務郎安癸仲特補通直郎賜錢三千貫馮興李好古

等四百一十四人無官者與官有官者增秩賞錢物有

差以權四川宣撫使兼陝西河東路招撫使安丙言其

各係元與同謀誅戮叛將吳曦之人故也九日詔從政

郎和州歷陽縣令謝德與特改次等合入官以權發遣

和州周虎言其自受關防之日應辦大軍糧食日逐帶

甲上城同為守禦故也二十一日詔從政郎勾龍公永

秉義郎楊叔虎忠訓郎陳昕各特轉兩官以金州副都

統制權發遣金州彭輅言其於逆賊僭叛之始與之同謀出蜀故也六月十日詔儒林郎總領湖廣江西京西路財賦所幹辦公事兼戶部分差襄陽府糧料院唐愬特改合入官從事郎添差京西安撫司幹辦公事章時可特改次等合入官借補承信郎特差京西招撫司準備差遣徐之紀特補文學借補登仕郎權鄂州都統司主管機密文字蔡武子特補下州文學奉議郎通判襄陽府周思謙迪功郎京西北路招撫司主管機宜文字陳師文各特轉三官文林郎監襄陽府戶部大軍庫錢大鼎從事郎監襄陽府戶部大軍倉李如瑩脩武郎權發遣襄陽府兵馬鈐轄黎炳成忠節襄陽府排岸王環

從義郎襄陽府兵馬監押張資脩武郎添差襄陽府兵馬都監高鍾修武郎鄂州江陵府副都統司計議吳冲忠訓郎鄂州江陵府副都統司主管機宜文字程元鼎武經大夫鄂州江陵府副都統司幹辦公字張鈞忠訓郎鄂州駐劄御前前軍副將兼京西北路招撫司進差遣趙高年承節郎鄂州江陵府都統司隨提點醫藥飯食張遂安各特轉兩官從事郎京西安撫司幹辦公事朱儕承直郎奏辟添差京西轉運司幹辦公事王佐從事郎襄陽府學教授姚朝佐從政郎觀察推官兼司戶楊堯迪功郎司法參軍劉益之脩職郎穀城縣尉雄司理蔡軍折思學迪功郎錄事參軍孟叔獻迪功郎監在

城酒稅晏世臣脩武郎前峽州兵馬都監呂慶祖承信  
郎襄陽郢州光化軍巡轄馬遞鋪夏晟各特轉一官內  
選人比類施行以郢州江陵府都統制兼京西北路招  
撫使知襄陽府趙淳言懇自虜人圍城勾稽錢糧應辦  
無國時可需出城與虜人打話而虜人語言不遜時可  
以大義責之而去之紀日夕探甲上城守禦衝冒矢石  
備極勞苦武子嘗掌機議論有取思謙自虜人圍城凡  
需攻具隨即應辦措置賑糶流民得安及運司委以督  
運悉無遺闕師文作自虜人侵犯襄陽請出求援往數  
數千里勞苦備殫大鼎如鑒自虜人圍城恪守本職出  
入錢米一意公勤炳環招集水手照管舟船凡百措置



悉得為用資鍾覺察姦細巡警備勤冲元鼎鈞分泰四  
隅盜賊烟火驅磨官兵莽厯夕寃心恪勤職務萬年故  
甲上城身冒矢石凡委職事悉能辦集遂安醫治官兵  
留意藥餌儕等守禦團圞各能效職未嘗少怠俱有勞  
績故有是命既而隨軍轉軍邵泉李直養及湖北京西  
宣撫司言慤公勤盡職遇事有謀虜人侵犯襄陽能展  
畫所長應辦措置畧無闕誤協助為多乞賜優賞故有  
是命七月十一日詔鄂州都統司主管機宜文字保義  
郎趙漢江陵府都統司隨軍提點醫藥飯食承節郎張  
遂安京西北路招撫司準備差遣借補承信郎徐之紀  
京西北路招撫司主管機宜文字迪功郎陳師文鄂州

都統司主管機密文字蔡武子各特準兩官資

以鄂州

江陵府都統司制兼京西北路招撫使趙淳言其合該

暴露賞故有是命

嘉定元年九月十二日詔兼義郎

鎮江府都統司書寫機密文字畢勝之特轉兩官

以其

凡都統再遇言其嘗機密裨贊軍事及參謀解圍楚州

令未結局乞行推賞故有是命

二年二月十日詔義

井寨忠義頭目人統制官承信郎楊敏統領官承信郎

謝思各特轉一官副將守關進勇副尉秦順進勇副尉

路顯各特轉一資借補官資人王憲等十一人並特補

守關進勇副尉無借補官資人周潤等三十六人令淮

西安撫司斟量借補名目仍具申樞密院

以淮西安撫

司言已降指揮見今忠義頭目之人雖是部伍多有歸  
農亦且存留今守舊職乞將有官之人各與轉官借補  
之人量與補授故有是命七月十四日詔保義郎武定俊  
軍統制下與特轉脩武郎仍賜金帶一條許令服繫以  
淮西安撫司言其賈率官兵擒殺賊首王泉委有勞效  
乞行推賞故有是命三年三月二十四日樞密院言

諸軍戰陣立功合得恩賞經隔日久陳乞收使源源不  
已多是故意違留公然貨賣作弊不一詔諸軍有戰功  
合得補轉官資已給公據之人不以內外遠近除程並  
限一月於所屬陳乞結罪保明申樞密院限外更不施  
行二十五日泗州都統司言權選鋒軍統制秉義郎

張威元係誅戮吳曦及隨李好古收復西河等州立功

承宣撫司節次陞差推鋒軍統領又陞權選鋒軍統制

乞給降逐項付身詔特給推鋒軍統領付身其統制官

候管幹年限及日保明取旨施行 四月四月詔進勇

副尉鎮江府前軍準備借班世興特補忠翊即給賞錢

五千貫以鎮江都統淮東安撫畢再遇言其在尚門生

擒賊首胡海功績顯著乞依元降募賞指揮推恩故有

是命二十三日詔義勇軍副將主父清特補忠翊即小

旗軍呂昇特補承節即減二年半磨勘敢勇軍兵承信

即孫勝特轉兩官減二年半磨勘義勇軍正將劉緒特

補承信即賜錢有差以淮東安撫畢再遇言清於亂軍

中生擒賊首王傳令騰所之昇等於都梁迎殺餘徒故  
有是命五月十三日詔安慶府討補光賊軍張大立功  
官兵第一等三百五十人各特補轉兩資內準備將周  
才等三人各特更轉一資第二等四百六十一人各特  
補轉一資仍於江淮制置司支撥會子五千貫付淮西  
安撫司等第支犒一次第三等八十人各特補轉一資  
以淮西安撫司斟酌等第乞行推賞故有是命二十三  
日詔進勇副尉前光州忠義軍統制朱明特轉兩資以  
知光州傅誠言其捐萬餘緡招集忠義隨逐王師進取  
雖回本州守禦蕃兵排日出戰不受光賊軍張大之餉  
遺遂力戰潰散其徒及害剔肝救如州武舜忠之疾故

有是命

四年十二月十二日詔討捕尚門宮家莊疆

盜胡海等立功官兵第一等孫興等一萬五千一百七十三人各特補轉一官資第二等董珍等五千四百九十二人第三等湯德等八千二十六人各賜錢有差從

密院之請也

五年正月二十四日詔雅州礪門寨

免解進士部押鄉丁副將山鳴鳳特補進義副尉以本州言蕃部寇掠邊西鳴鳳平領鄉丁折使蕃賊生致告

降乞與推恩故有是命

二月二日詔許定遠特與補

承信郎以節制江淮軍馬李珣言池州副都統制許俊

有子定遠嘗隨其父討捕李元勵等與賊鏖擊擒捕賊

衆乞借補受官資故有是命五月四日詔借補將仕郎

閻仲友特與補下州文學以四川制置大使安內言其  
差隨副帥李好義領兵收復四河州充隨軍措置糧運  
并措置沿邊關隘及建置門內屯田首尾三年功績顯  
著故有是命九月一日臣僚言往者江湖之寇皆深據  
溪洞峻絕之地緣崖觸石人跡罕到惟有比近土豪偶  
官之家所養義丁與之相習故能上下山坂闚窺巢穴  
連年官軍雖暴露于外而每每假土人以為鄉導至於  
死損人丁喪失生業亦可憐憫間有一家父子兄弟之  
間連遭屠戮又因冒寒暑染疾殞與其隊伍相斃於軍  
中者今上自主帥下至將校皆次第蒙賞而土豪隅官  
之徒捐軀於兵間者尚有所遺乞下江西湖南安撫司

廣加體訪仍許各人自陳選委清彊有心力官覈實應  
土豪隅官除曾係補賊立功已推賞外其餘實因討捕  
受害陣亡之家並與保明具申朝廷量與賞犒從之  
同日詔左翼推鋒軍統制王津特轉兩官副將王廷準  
備將王達朱彥輔主將畢安世同巡檢蘇顯祖各特補  
轉一官資每人更支錢二十貫準備將尹建主將巡檢  
昌克佐各特轉一官資每人更支錢一十五貫準備將  
周世顯魏孝義姜仁各特轉一資每人更支錢一十貫  
隅官譚鄂飛姚興祖各特補一資仍各支錢二十貫同  
巡寨兵蒙先等一十六名各特補一資鄂州等軍立功  
官兵奇功一十四人各特補轉一官資各支錢一十貫



第一等九百六十二人每名特支錢三十貫第二等一  
千九十九人每名特支錢二十貫第三等六百二十三  
人每名特支錢一十五貫暴露官兵副將卽試特支錢  
三十貫官兵八百三十九人每名特支錢一十貫推鋒  
軍正將林政準備將彭添麥達林真各特轉一官資每  
人更支錢一十五貫正將周興副將朱烈各特轉一官  
資左翼軍副將蕭忠顯準備將王大同額外準備將張  
宗顯各特轉一官資擢鋒軍準備將曾彥陳煥各特補  
轉一資迪功卽樂昌縣尉陶崇迪功卽新廣州錄參蘇  
應龍各特補兩資進武校尉隨軍機兩官肇慶府指揮  
使蘇可仁特轉一官待補太學生余樞特補一資親效

撥發劉明等一十名各特補一資隨軍弓箭手劉飛等  
一十九名各特支錢一十貫官兵義兵第一等一百五  
十九人各特支錢三十貫第二等二百三十六人各特  
支錢二十貫第三等五百六十八人各特支錢一十五  
貫不分等第一千九百四十五人各特支錢一十貫以  
廣東提刑司言收捕李元勵等立功推賞故也十一月  
二十日南郊赦官兵昨因出戰陣亡等人除已節次推  
恩外其間尚慮主帥不肯從實盡數保明申奏或因一  
時漏落以至一等死事之人未霑恩賞仰主帥更切契  
勘詣實盡行限刷開具保奏如違許陣亡人家屬起訴  
八年十一月明堂赦並同十二月十一日臣僚言應軍

官及行伍以陣亡而得恩澤者許子孫或女婿承受近  
年受賞之家不體此意或無子孫親婿者以所得恩澤  
公然鬻賣同姓之人則作子孫異姓之人則作親婿多  
以資財計囑軍將經由去處遞相保明即補之官彼其  
冒受之人一受告命即赴部奏註是致為弊愈衆乞下  
諸軍凡以陣亡軍功陳乞恩澤者應彼受人除親子親  
孫計令赴部照條奏註外其女婿只許從軍支破請給  
若從軍及二十年後如筋力果衰不堪任使方許揀汰  
赴部注授離軍添差遺其已奏部注授之人或已奏未  
注者或有未到部者並仰元來保明軍分照籍物四前  
後所保明已得官人各在本軍執役差使仍令吏部開

具已奏注姓名銷落名閤及照元是何處軍分保明申

到者分項行軍分照應施行從之 七年二月二日進

勇副尉蒙文謂特轉兩資餘人等第補設一次以宜州

守臣劉湛之言其捕獲倭峒賊徒辜顯故也四月二十

六日樞密院言昨來誅戮逆賊立功補授之人竊慮有

司未曾放行差注有失朝廷優恤之意詔將應誅戮送

職立功補授人特與照嘉定五年十二月二日指揮并

嘉定六年七月十三日指揮召保放行恭部注授施行

二十五日臣僚言曩者兩淮之圍西蜀之變或以豪

領統率民兵捍禦或以小官結習忠義俘斬逆賊茂著

偉績事定之後命爵策勲理宜優厚然而淮民安之賞

始以濫予而終以濫格使畢力用命與賞緣僥倖者例  
無一品一級之升朝廷雖旋如考核表實去偽而奉行  
減裂遺恨尚多豪傑英雄誰不解體至若誅賊之功厚  
薄輕重尤有未稱竊以為兩淮西蜀立功之人除有功  
受責已登頭任外其餘宜如褒獎或崇其官資厚其祿  
秩錄其子孫表其門閭圖形定謚立廟賜額隨其功之  
輕重以為報之隆殺乞下兩淮四川州軍更與從實保  
保先來立功之人再議褒獎施行從之 二十六日臣  
僚言比自遼陽息戍凡荆襄兩淮關外等處曾立軍功  
補授官資之人並免呈試叅部注授諸路州軍添差  
使喚等關賞非不當奈何姦弊百出頂名偽冒者有之

故不得不為之限制然懲創太過真偽混殺元在軍者  
自有格法已無可議至於白身及忠義等人初令就本  
貫陳乞召文臣陞朝官武臣大使臣以上各一員責追  
勒文狀保其非偽而知通亦結追勒之罪保明申部然  
後放行今以嘉定六年七月續降指揮觀之則令今後  
所召保官并知通止照舊甘伏朝典保明即前日之嚴  
今固以寬之矣而臣猶慮限制尚嚴蓋保官以陞朝大  
使臣及知通仍拘本貫則新立功之人有係泗州開封  
府等處戶貫則何從而保明有襄漢間僻小邊郡素無  
陞朝以上官則亦何從而保明乞下吏兵部遍牒諸路  
州軍照元降指揮軍功名色合該赴部奏注人依舊法

保明申部所有保官只用小使臣若本貫開封府等處  
即經見今所居州軍召保使天下軍士知真賞之可慕  
莫不竭忠盡力以報效國家矣徙之 八年七月十六  
日詔守闕進勇副尉陳朝卿特與加轉兩資以朝卿招  
集義丁收捕峒賊李元勳故也十年十一月二十七日  
江淮制置司言北寇直犯光州武鋒軍放散統制王辛  
以廬州兵鈐自請于淮西帥司首往安豐糾集武定忠  
義等共二百四十餘人到光山縣以來迎見番軍鏖戰  
殺死統軍元顏俺定及斫到首級二十二顆與他立功  
不同除王莘以蒙推賞外所有一行人兵乞議旌賞詔  
上等一百三十八人內有資人特轉一資無資人特補

一資仍令江淮制置司更支錢三千貫給付王辛等第  
擄誘一次 嘉定十一年正月十日詔從義郎沈鐸特  
轉兩官以樞密院言鐸統馭歸附人兵防拓勞故旌賞  
之是年四月以捍禦有勞特轉武節郎八月以淮陰獲  
捷特轉武翼大夫同日詔李全特補武翼大夫充京東  
路兵馬副都總管劉全特補武翼郎充京東路兵馬副  
總管楊友季先各特補脩武郎並充京東路兵馬鈐轄  
以樞密院言全等率眾歸附尅復東海連水等處備見  
忠義故有是命 三十日詔鎮江都統司前軍統制王明  
特轉一官差充殿前司神勇軍統制仍令封椿庫結賜  
錢一千貫以樞密院言明在楚州淮陰縣八里莊監督



官兵築城捍禦有勞故有是命二月二十三日詔承信  
郎信陽軍指揮使兼部轄義士緝捕盜賊袁海更特與  
轉一官特添差東南七府信陽軍駐劄仍釐務請給人  
從並依正例支破先是京湖制置司言海嘉定十年節  
次立功詔特轉兩官賜錢二千貫至是三省樞密院復  
以為言故有是命三月四日詔忠翊郎前棗陽軍使兼  
知隨州棗陽縣事彈壓戍守官兵總轄忠義大保捷趙  
觀從義郎權鄂州前軍統制部押棗陽守禦官兵部彥  
各特轉三官第一等立功官兵張俊等各特轉兩官資  
無資人各特補兩資第二等傳顯等特轉一官資無資  
人特補一資更各特支官會五貫第三等和清等各特

支犒一十五貫內兩次立功人添支五貫

以京湖制置

司官觀等節次部押人兵出城在三清岡北八十里及  
五城門外河南泰山廟劉琪塚等處與虜賊見陣獲捷  
立功故有是命十四日詔忠義統制劉世興特與轉三  
官更特賜二十貫第一等韓興等各特轉兩官資無資  
人各特補資第二等王安國等各特轉一官資無資人  
各特補一資第三等劉康等各特支犒官會一十五貫  
以世興等解圍襄陽於荆蕩落湖陂與虜見陣立功故  
也四月三日守關進義副尉忠義軍統領夏端仁特與  
承信郎仍賜錢五百貫民兵統制王雲歸正統領周虎  
各特與補下班祇應仍賜錢三百貫並令江淮制置司

椿管會子內支撥以光州言端仁等設伏剿賊所到酋  
官統軍首級及過淮燒毀彼界黃崗等處寨稱前後出  
戰志勇乞行推賞故有是命七月十一日詔忠義統制  
吳彥特與補承信郎令四川安撫制置司於降下空名  
告命內書填給付其統領杜孝忠等一百一十一人各  
特轉兩官資無資人特補兩資李顯等三百二十八人  
各特轉一官資無資人各特補一資以金州副都統制  
吳政言彥等部領忠義深入北境殺獲虜賊燒毀寨柵  
乞行推賞故有是命二十二日詔知泉州真德秀特轉  
一官以德秀遣發兵船出海擒捕賊首及徒黨百餘人  
海道寧靜畧院言其功故有是命八月十二日詔武經

卽京東路兵馬鈐轄季先特與轉武卽以樞密院言先  
舊勇獲提故有是命同日樞密院言楚州申忠義等人  
剿退虜賊解圍淮陽縣得功人數乞賜推賞詔陳秀等  
三千八百二十八人各特轉三資無資人各特補三資  
內重傷輕傷人更各與等第優加犒賞所有合支犒錢  
銀亦仰於朝廷降下椿管錢銀內斟酌支撥給散嘉  
定十二年正月十八日詔武翼大夫京東路兵馬副都  
總管季全特轉三官賜金帶一條仍令楚州於椿管銀  
絹內支銀五千兩絹一萬匹充犒犒人兵以樞密言全  
等收復密州乞加旌賞故也五月七日又詔武德大夫  
密州刺史京東兵馬副總管季全特授右武大夫利州

觀察使九月特除廣州觀察使左驍衛將軍京東忠義  
諸軍都統制楚州駐劄 同日詔武翼郎京東路兵馬  
副總管劉全特轉兩官以京東節制司言全不從偽地  
招誘備見盡忠故有是命 二月二日詔京西路鈐轄兼  
棗陽軍使孟宗政特轉五官與帶行關門宣贊舍人仍  
賜金束帶一條奇功何文虎彭興特補四資內彭興與  
政刺效用補授第一等各特補三官資第二等各特補  
兩官資第三等各特補一官資在城捍禦各特支犒官  
會一十五貫本軍差職事官鄭天昇韓獻臣劉澡各特  
轉兩官資以宗政等在城捍禦節與虜賊見陣故也  
同日詔統領花遇春所正將借承信郎郭彥借承信郎

王悅副將借下班祇應茅大智守關進勇副尉崇仲彬  
準備村守關進勇副尉段成各特與補轉五官資以虜  
入侵犯盱眙青平山寨彥等分布四門戮力死戰殺退  
番軍勞效議賞故有是命三日詔京西神勁左右軍統  
制扈再興特轉四官仍賜金帶一條第一等各特轉三  
官資第二等并醫官楊師孟各特補轉兩官資第三等  
各特補轉一官以京湖制置司申保明到嘉定十一年  
正月九日至三月二十二日終在棗陽城北三清觀柵  
柵廟等處節次與虜賊見陣立功官民共五千九百  
九十二人乞行推恩故有是命同日詔權鄂州左軍統  
制隨州屯戍李珪特轉四官仍賜金束帶一條官兵四

百五十人內第一等各特補轉三官資第二等各特補轉兩官第三等各特補轉一官以京湖制置司言珪同所部軍馬於隨州鐵山追襲虜賊節次立功故有是命

二十日詔保義郎利州都統司右軍同統制張政等九十三人各特補轉一官資官兵一千五百八十八人犒設有差以四川安撫置司言政等深入比境攻破鐵窟堡等處乞行推賞故有是命三月四日詔從義郎四川總押諸閬右軍統制陳立統領蕭建準備將元昇忠義總轄秦貴馬真各與補轉一官資立功官兵三百五十人各等第犒設以四川安撫制置司言虜賊侵犯大散關立等與之血戰獲捷保守無虞故有是命同日詔

忠義正將趙宣劉煥馮世忠各特轉三官資官軍副將  
等各特補轉一官資軍兵秦雄等第支牒以興元都統  
司言宣等戰虜獲捷乞賜優賞故有是命二十一日詔  
利州都統司準備將楊檜忠義統領路德許大椿李興  
正將黃鉞各特補轉三官資隊官李勇等一十五名各  
特補轉兩官資其餘官兵忠義等人各等第支牒以四  
川制置司言檜等攻打彼界剿敗金賊故有是命二十  
六日四川制置司言扼利路安撫丁燦中利路副總管  
李好古奏稱朝省指揮正除沔州都統請說兵官蔡佑  
李大亨張郭李義李世昌上官榮郭千質俊等擅新統  
制張斌發總所魚関官鉞徑自喝喝妄作威福領兵二



千餘衆前來沔州仍出榜文謀害張威張虎等事意謀  
不執炳已將好古斬首號令撫定諸軍遣回元來守把  
去處本司照得李好古妄立事端輒擅殺戮又驅引軍  
兵徑下沔州驚擾一城若非炳就近區處則必有意外  
之慮詔丁炳特轉朝奉大夫除直龍圖閣依舊制沔州  
主管利州西路安撫司公事節制本路屯戍軍馬 陞  
三月十一日詔沔州利都統張威特與轉武功大夫忠  
州團練使以樞密院言威節次調遣安將前往大安軍  
金牛鎮等處剿敗虜賊魁後立功故有是命五月七日  
推行功賞又詔特轉右武大夫楊州觀察使十三年六  
月十五日以威討捕潰兵張福莫簡賊徒就擒特落階

官除揚州觀察使依舊汴州都統制兼知汴州四月三日詔京東忠義統制李福彭義武劉慶福並特與補脩武郎以樞密院言福等出戰立功故有是命十三年六月李福又以制司調遣立功詔轉武經郎兼京東路兵馬鈐轄二十四日詔忠義子瑯特補武義郎差充忠義統制兼京東路兵馬鈐轄以樞密院言瑯累立戰功故有是命五月二十日詔借制武郎京東路鈐權知海州王琳特補脩武郎借從義郎忠勇軍計議官權通判姜琛特補保義郎以琳等忠義來歸收復州縣屢戰立功從京東節制司之請也六月十八日詔脩武郎京東路鈐轄楊友特與轉武翼郎忠義軍統制徐福周岳並特

補承信郎統領王弼于水劉寶葛祐王全孔揮姜孝忠  
各特補進武校尉以京東節制司言友等屢與番軍  
戰獲捷故旌賞之七月二十日詔淮東路鈐轄梁昭祖  
特轉兩官軍兵李椿等一百六十四人各特補轉一資  
韓威等一千三人各特支犒官會一十五貫以淮東提  
刑司言照祖領兵攻打三夾溝寨等處燒毀望樓鋪屋  
見陣立功乞賜推恩故有是命八月二十一日詔石珪  
特轉武義郎依前京東鈐轄都提舉諸軍事統制夏全  
時青各特轉忠翊郎一行忠義人兵令京東節制司等  
第支犒一次以樞密言珪等近在嘉山剿虜獲捷乞議  
推賞故也十月十日以珪等揀刺三軍忠義了當又照

珪特轉武略郎京東鈐轄全育各特特修武郎並特陞

差充京東路兵馬鈐轄各統率本部軍馬九月十九日

詔汴州中軍步軍第一將權統領下班祇應李虎特轉

正將

保義郎先是叛卒張福莫簡嘯聚巴州作過招安免罪

發遣上邊復於中途糾合徒衆突入利州殺害總領楊

九鼎劫奪公松錢物至是虎卒部下捉獲制司乞以元

立賞格推恩故有是命十月十一日詔澠水統轄人兵

季先特轉武顯大夫特陞差充京東路馬步軍副總管

仍特賜銀絹三百匹兩本部下人兵共犒交子一十萬

貫以京東路節制軍馬司言先捍禦邊面有勞部下人

兵各守紀律乞賜旌賞故有是命十二日詔忠義統制

兼京東路鈐陳孝忠鎮江遊奕軍統領張明范成進李  
世雄各特補轉三官資其部下軍馬人兵特支犒交子  
五萬貫以淮東提刑京東節制司言孝忠等往滁州解  
圍及淮西策應勞效故有是命十一月十三日詔武節  
郎張林特轉武翼大夫同宣贊舍人權知青州以從  
京東節制司之請也  
六月又以林倡義歸附戰  
守有功特除忠州團練使知青州京東路安撫馬步軍  
都總管十四年三月京東河北節制司又言林忠勇知  
義李信反側遣總管邢德誅戮委有勞效詔除均州防  
禦使  
十七日知閤門事李度宗特與帶行武翼大夫  
以樞密院言度宗昨任主管馬軍行司公事統率官軍

出戍濠州戰集有勞未曾推賞故有是命十三年五月

八日詔沔州中軍統制承節郎董昭特與轉脩武郎以都統張威言昭在雙林子夕陽鎮白壁堡等處經戰獲

捷故也六月二十四日詔武義郎忠勇軍統制兼知鄆

州嚴實特轉武節大夫達州刺史昌義歸順戰集

有功故也同日詔宣教郎京東安撫司幹辦公事張亞

夫特轉奉議郎特差充京東東路安撫司主管機宜文

字儒林郎京東安撫司幹辦公事馮垧特與轉宣教郎

以樞密院言其贊畫有勞故也二十五日詔訓武郎通

判青州兼京東路兵馬鈐轄邢德特轉武畧郎以德暮

義歸順屢立戰功故也十四年三月京東河北節制司

言德誅戮李信勞效詔特轉武翼大夫差知淄州兼東  
東路馬步軍副總管 同日詔承節郎京東安撫司帳  
前統制崔欽特轉脩武郎以欽墓義歸順任責運餉故  
也十二月八日詔武翼郎京東路兵馬鈐轄統制本部  
軍馬時青近因剿虜屢曾獲提忠勇可嘉特轉一官十  
六年正月京東河北節制司言青不時過淮剿虜破塞  
屢獲勝捷又詔特轉兩官十四年二月九日詔朝奉郎  
四川茶馬都孟卿承議郎四川宣撫司參議官張已之  
各特轉兩官以叛賊張福莫簡作過孟卿任利州已之  
任普州皆能隨宜措置賊徒迄就擒戮故有是命十一  
日詔朝奉郎直閔閣成都運判范仲武特轉一官以叛

賊作福等作過制司委仲武督捕委有勞效故也六月  
十一日京東河北節制司言契勘于澤生輝鄭祥姜孝  
忠武德見在淮陰守禦累次與賊鏖戰殺獲甚多清口  
寧謐欲將于澤特與轉保義即陞充京東東路兵馬鈐  
轄生輝特與轉承節即陞充忠義軍統制鄭祥特與轉  
承節即陞充忠義軍同統制武德姜孝忠各特與轉承  
信即仍舊忠義軍統領內于澤陞充淮東制置司帳前  
路鈐並從之 十六日德音敕文斬黃州諸軍捍禦官  
兵及武定忠義人等剿逐賊虜立到戰功其有用命率  
先斬獲首級賈勇出奇剿蕩殘寇委是戮力效忠合行  
優加官賞仰淮西制置司從實保明申上當議旌別施



行 又赦文應斬黃州并管下縣鎮官吏士民及鄉村  
總首保伍赤心為國剿殺虜寇立到奇功忠勇顯著者  
令本州從實具申淮西制置司保明聞奏當議優加旌  
賞 七月二日詔江陵副都統扈丹與特與先次轉行  
右武大夫帶行忠州團練使趙范特與轉通直秘閣依  
舊京湖制置司主管書寫機宜文字趙葵特與轉承事  
郎特免銓試特差充京西安撫司主管書寫機宜文字  
以樞密院言虜犯斬黃驅策未退制置趙方遣丹與同  
監軍趙范趙葵率兵至斬州久黃州神馬崗連日繼夜  
鏖戰獲捷邊面平靜乞加旌賞故有是命 十一日詔  
承節郎淮西制置司帳前統制兼總轄歸附忠義祝文

尉特與轉脩武郎添差淮西路兵馬鈐轄廬州駐劄仍  
釐務請給依正官例支破以文尉統兵直趨斬黃與  
庀丹與等虜賊潰散也十五年十月二日樞密院言京  
東忠義都李全近親提所部將士人兵前去收復京東  
州軍等處一行立功之人合議賞犒詔應立功頭目人  
內總管路鈐計議統制統領以至將佐訓練官等各特  
與等第補轉官資令京東河北節制司疾速從實契勘  
有無官資人數并職位姓名等第保明具申推恩施行  
仍仰本司日下先次於朝廷見椿管錢內取撥交子五  
十萬貫付今來立功忠義人兵特與支犒一次 十七  
年七月十日樞密院言武經郎右驍衛中郎將焦思忠

昨在淮西等處屢經剿虜戰功居多今見任環列之職  
忽因箭瘡發動服藥無效申乞守本官到任詔焦思忠  
特與轉武翼大夫開門宣贊舍人致仕 淳熙元年四  
月二十六日宰執進呈興州駐劄都統制吳挺奏到任  
點看軍馬乞依例犒設一次三省擬定支錢一十萬貫  
上曰恐支散諸軍太少可依員琦例支二十萬貫 二  
年九月十一日詔建康府於椿管銀內依省則紐支三  
萬貫文付馬軍都虞候王明牒設馬軍行司支用以到  
任點看軍馬故也 二十二日詔於建康府椿管銀會子  
內中半支二萬貫付池州都統制魯安仁本軍犒設內  
銀依省則紐折以到任激賞官兵也 二十四日詔鄂州

於椿管會子內支六萬貫付荆鄂駐劄御前諸軍總制  
李川支用以到任點看馬軍牒設也閏九月十四日執  
政進呈江西茶寇官兵江州軍令皇甫個鄂州軍令解  
彥詳統押歸軍諸路禁軍弓兵令帥憲司各發歸元來  
去處並令歇泊土豪鄉義丁等日下放散仍令都統帥  
清司等第優支牒設以剿除茶寇故也二十四日執政  
進呈兩浙福建路起發禁軍土兵赴行在忠銳忠武軍  
教閱上曰可量地里遠近依例支牒設一次差編脩官  
一員傳旨給散其福建路道途遙遠與依例倍支二  
十五日詔諸路起發禁軍土兵赴行在建康府其管押  
官並與等第減年推賞內礙止法人特與牒設以部轄

整肅故也三年正月七日詔明州擺泊諸處發到海船  
令統制官林文煥賞一次押船主梢碇招頭水手各給  
錢有差以到岸日久故也二十三日詔忠銳軍人兵內  
赦已畢發遣歸逐州可依初發到行在日犒設一次忠  
武軍依此五年六月二十三日詔內外諸軍士卒有  
家累重大之人可於朝廷封樁錢內每處各撥錢委兩  
浙漕臣總領所措置營運將越到息錢每月令諸軍開  
具的實人數各與添支除軍中合添支外更與添支以  
殿前步軍司御前水軍共二十萬貫馬軍行司建康府  
池州諸軍共二十萬貫興州興元府金州諸軍共二十  
萬貫鎮江諸軍武鋒共十五萬貫江州鄂州荆南諸軍

共十五萬貫 六年正月六日宰執進呈武功大夫平

江府許浦水軍都統郭大用奏到任乞支犒軍錢上曰

郭大用似麤勇而能謹細舊曾在水軍立功可令左藏

庫支會子一萬二千貫充犒軍使用三月十七日詔淮

東總領所支四錢萬貫付李思齊以到任點看軍馬并

新併到武鋒軍犒設也二十八日詔岳建壽差權馬軍

司職事令南庫以銀依省則紐支錢一千五百貫犒軍

從所請也四月二十一日鄂州江陵府都統制郭鈞言

收捕陳峒等賊陣亡官兵乞令湖廣總領所批勘全分

請給一年從之 七月十九日詔兩淮總領所支降錢

付馬軍行司建康府池州鎮江府都統司兩浙轉運司

支降錢付平江府許浦御前水軍令各添支五口以上  
人外更於御前椿管錢內降錢付逐處軍給賜口累重  
人一次以八月十四日詔湖廣總領所支降錢八萬一  
千貫付鄂州江陵府江州給散諸軍五口以上人十一  
月二十六日詔四川總領所支降錢五萬九千貫付興  
州興元府金州司委主帥給散諸軍五口以上人八年  
五月十八日臣僚言朝廷比年支降緡錢賜內外諸軍  
口累重者然其間有入隊不入隊逸之殊乞將諸軍入  
隊自五口以上依數支給不入隊並減半從之 十二  
月十四日詔廣西經畧司收捕賊徒李按所遣官兵弓  
兵土豪義丁等令劉煥先次等第犒設一次 七年五

月七日詔廣州統領劉安統制張喜所將官兵一千九百九十六人令廣東安撫司犒設一次以知廣州周自強言取捕柳寇陳嶺有勞也

八年正月二十一日宰

執進呈諸軍犒設錢上曰此內外諸軍射射精熟人數也卿來諸軍只習右手射近又教習左手射願精各支犒設以示激勸 七月十三日詔左藏南庫支降會子一萬二千貫付殿前司委官前去犒設許浦水軍以其初撥隸本司故也十九日上謂輔臣曰江州副都統劉光祖極精細好兵官聞財賦甚窘乏無以激賞士卒可於鄂州總領所支錢三萬緡與之 十一年二月二日詔今後因病身故官兵本司具軍額職次姓名保明有



無家產累閏報所屬即時大曆內開落名糧隨曆批勘  
請給兩月趲次旬宣限支給以樞密院言已降指揮殿  
前馬步軍司官兵因病患身亡其家累特與支破請給  
丙月訪聞所屬以會門為名動經月日方始批放有失  
存恤之意故也五月二十七日詔四川駐劄御前諸軍  
將士戍邊滋久常軫朕懷可令總領所支撥椿管錢三  
十萬道特與犒設一次六月二十四日詔兩浙轉運  
司淮東西湖廣四川總領所依淳熙十一年上半年已  
支過錢數付逐軍主帥充淳熙十一年下半年添支諸  
軍口累重大之家十一年十二月二十三日至今十五年  
十二月終上下半年添支諸軍錢皆如之十二年九

月十九日淮東總領吳玠言本路先準已降指揮內外  
諸軍差出牧馬并更戍官兵免分擘口券特令每人支  
鹽菜錢三十文米二升半照對鎮江屯駐諸軍每遇差  
出盱眙高郵軍梅楚州守戍所支鹽菜錢米自來糧料  
院直候到戍守處方起支比其更替又自離戍日即便  
住支往回並無支破錢米竊見步軍司差出六合縣守  
戍人自出門日起支其更替到寨日方始住支理合一  
體從之 十三年正月一日詔殿前司馬軍舊司步軍  
司官兵諸班直軍兵皇城司親從親事犖官等人並依  
則例令主帥并所隸官司各日下從實開具所管人同  
合支錢數報提封樁庫所以樁庫所以樁管會子降付

逐處即時當官支給其出戍人依敕文仰主帥將降到  
則例報所在州軍候到令知通同部轄兵將官給散馬  
軍行司主帥開具所管人同合支錢數報建康府即時  
於降去第七界會子內支給屯駐大軍於屯駐州府仰  
知通同兵將官據合支錢數以本處應椿管朝廷會子  
支給如不敷或無椿管會子去處於上供并諸司不以  
是何名色窠名內取撥給付州府軍監禁廂軍等準此  
以尚書省言度壽賞給則例殿前司馬軍舊司步軍司  
統制七十貫統領四十貫正將二十五貫副將十五貫  
撥發官同副將例準備將十二貫額外比正員下一等  
謂如額外統制支給統領四十貫之類至準備將不減使

臣至帶甲入隊官兵九貫倖人輜重火頭五貫隊外官  
兵三貫班直行門二十五貫餘人十貫班直下軍兵三  
貫皇城司親從親事官五貫院子三貫輦官五貫後苑  
厨子御厨儀鸞司翰林司將校兵級四貫軍頭司將校  
兵級四貫御藥院工匠御酒庫御絲鞋所內東門司內  
藏庫內軍器庫脩內司御馬院騎御馬直左右驂驤院  
將校兵級德壽宮擺鋪將校兵級并造作人三貫步軍  
司廂軍并行在百司軍兵逐處自行招刺人一貫五百  
差出人準此馬軍行司統制五十貫統領三十貫正將  
二十貫副將十五貫撥官同副將例準備將十員額外  
比正員下一等至準備將不減使臣至帶甲準備帶甲

人入隊官兵六貫僦人輜重大頭四貫隊外官兵二貫  
五百殿前司推鋒軍左翼軍許浦水軍興州興元府金  
州鎮江府鄂州江陵府池州駐劄大軍統制四十貫統  
領二十五貫正將二十貫副將十五貫撥發官同副將  
例準備將十貫額外比正員下一等至準備將不減使  
臣至帶甲準備帶甲入隊官兵五貫僦人輜重大頭三  
貫隊外官兵二貫諸州府軍監棟中禁軍二貫五百禁  
軍土軍水軍二貫廂軍鋪兵一貫諸路安撫司忠義軍  
親兵二貫五百 十九日鎮江府駐劄御前諸軍統制  
張詔言出戍楚州高軍官兵請慶賞給錢以楚州四千  
八百九十一人計請錢二萬三千一百一十八貫高郵

單六百八十七人計請錢三千二百八十七貫今據楚  
州申本州自來不曾有朝廷椿管錢物兼係全行展免  
上供去處亦無諸司合撥窠名等錢本州別無那兒支  
撥去處又據高郵軍申本軍目今未有錢支給申轉運  
司提舉司取指揮行下支撥已上二項共二萬六千三  
百九十六貫乞下鎮江府於椿管會子內支給本司差  
官押發前去逐處布押官交割點名俵散從之 二十  
四日詔平江府顧迺港擺泊當番海船適輕雪寒可令  
守臣到岸則例將總轄官船主梢上招頭釘手等特與  
犒設一次據合用錢數日下於椿管會子內支撥差官  
同主兵官給散 十二月二十一日詔積雪泛寒軍人

不易其行在殿步司及諸軍可依已支雪寒錢體例再  
支一次令主帥并所隸官司各日下將見管人數從實  
保明報提領封樁所並即時以見錢降付逐處當官支  
給以二十四日權侍衛馬軍司職事梁師雄言所有諸  
處差出并在軍半分請給等共五百八十九人糧料院  
以無體例不肯批放竊詳逐人亦隸兵籍各有家累比  
之在寨全分請給之人尤不為易乞下所屬將前項差  
出等有家累官兵自今歲為頭每年特與依例批放雪  
寒錢及下提領封樁庫所再支一次給付他家應付使  
用從之二十八日詔殿前司差出有家累及在軍半分  
請給等官兵共一千六百四人依軍司已得指揮施行

十四年正月二十三日詔弓弩手槍手並於鎮江府  
椿管錢內各特支犒設一貫其槍手糧數仰本軍斟酌  
審驗訖開具聞奏以鎮江府都統制張詔等言準御前  
劄子鎮江府駐劄御前諸軍今春所進兵帳等一一躬  
親審驗並要實年甲斗力以備抽摘發赴行在引呈恐  
須薄犒設却具奏來本司諸軍應管如右弓箭手正帶  
甲一萬六十二人準備帶甲二千三百八十六人弩手  
正帶甲八千八百四十二人準備帶甲一千八百二十  
八人計二萬三千一百一十八人諸軍見管槍手正帶  
甲五千六百八十人準備帶甲一千四百六十四人除  
審驗年甲外未審合與不合審驗糧數故有是詔又三



月六日侍衛馬軍副都指揮使雷世賢言已將本司兵  
帳內弓箭手八千三百六十一人弩手四千三百一十  
七人躬親審驗的實年甲各人斗力外有見管槍手共  
三千八百七十人亦行審驗年甲攏數了當委實各人  
少壯武藝精熟所有犒設合取聖裁詔弓弩手槍手並  
於建康府椿管錢內各特支犒設一貫 二月十三日  
詔封樁庫支會子五萬六千五十八貫四百西上庫支  
會子二十四萬八千四百六十四貫六百充殿前馬步  
軍司教閱犒設 六月十九日殿前副都指揮使郭宣  
今年下半年累重官兵六千七百四人合用添支錢四  
萬八百六十六貫三萬一百七十四貫年例漕司科降

一萬六百九十二貫未有支撥去處乞將四千八百二十六貫令漕司貼科餘令本司自備從之 十二月十五日詔歸正忠義人安添支米特更與展支一年以殿前司言昨承指揮遠來充軍理宜優恤每月添支米數相兼養贍續準備指揮更特與展支一年今來將及一年緣並皆家累重大指擬添支米相兼養贍乞下所屬照應見請券曆依舊勘支照得連年各降指揮更特與展支故有是詔 淳熙十六年六月二十一日詔兩浙轉運司淮東西湖廣四川總領所依淳熙十六年上半年已支散錢數付逐軍充當年下半年添支口累重大之家仍委主師一併點名支散紹熙元年至紹熙五年

終每年各分上半年預於一月前樞密院檢舉取旨  
添支諸軍錢亦如之 紹熙二年二月三日詔為雪寒  
行在殿步司及諸軍可依已支雪寒錢體例更支柴炭  
錢一次令主帥并所隸官司各日下將見管人實數保  
明報提領封樁庫所並即時以見錢降付逐處當官支  
給 十二月二十五日詔馬軍行官兵連日排立可依  
淳熙十二年郊祀大禮體例使臣各特支錢三貫効用  
軍兵各支二貫令戶部支給 二十六日詔為天寒應  
從駕諸班直親從親事官并諸軍指揮軍兵將校等並  
特依淳熙六年郊禮例增三分給賜柴炭願依例折錢  
者聽 慶元元年七月二日樞密院進呈建康都統制

吳義乞錢二十萬緡以為營運贍軍之資先是又乞全支到任犒軍錢御筆已依所乞余端禮鄭僑同奏曰舊例朝廷只是減半與犒軍錢上曰今若全支便為成例後來必有攀援者宜別作名色與之端禮等曰陛下聖明洞見他日利害於是別降指揮借撥并按例共支十五萬貫 六年九月十七日詔馬軍行司軍兵連日排立可依紹熙五年明堂大禮體例使臣各特支錢三貫效用軍兵各支二貫令戶部支給 開禧元年十二月三日詔行在諸軍依年例支雪寒錢內被差出戍官兵之家特與信支一次自是歲有此命二年正月十一日詔雪寒軍人不易行在殿步司及諸軍可依自來雪寒

錢數再支柴炭錢一次令主帥并所隸官司各日下將見管人數從實保明報提領封樁庫所並即時以見錢降付逐處當官支給自是歲有是命五月十四日詔內外諸軍各有調發戰守之人並已支犒外在寨及自餘差出未經支犒官兵令戶部四總領所日下每人各特支犒設錢二貫毋致漏落 六月九日詔諸軍因出戰間有陣亡及因傷歸柵身亡并出戍暴露病患身故之人除推恩外陣亡人可並依舊放行全分諸般請給一年因傷身故於柵中人支破半年曾經出戍暴露病患身故人支破一季並令所屬按月幫勘給付各家繼而樞密院言竊慮所立限滿老幼失所理宜存恤詔諸軍

陣亡等人請給除今來已立年限幫支外候今限滿日  
內陣亡人更特與展支半年因傷死於柵中人展支一  
季出戍暴露病身故人展支兩月 三年正月十五日  
三省樞密院言節次已降指揮隆冬已支出戍官兵犒  
設又倍支戍兵口累雪寒錢并降錢賑給都城貧民外  
行在諸軍不曾差出官兵亦宜優恤詔令封樁庫每名  
特支犒設錢兩貫並已見錢支降 五月十四日詔三  
衙所差更替屯戍官兵當此備邊之降即與常年更戍  
事體不同起發犒設合行優異權依開禧三年殿司已  
支等則數目支給一以以後更戍官兵卻依舊例支給  
六月五日三省樞密院言諸處戍守軍兵當此隆暑

宜加優恤詔每人各特支犒設錢兩貫兩淮令行府湖  
北京西四川令宣撫司各就便取撥有管官錢目下照  
數分撥付逐軍主官兵點名給散 十五日三省樞密  
院言諸軍擺鋪及諸路擺鋪兵級當此邊事未寧時方  
暑伏傳送軍期文字季是有勞理宜支犒詔令戶部并  
四總領所各隨所隸地分每人特支犒設錢三貫 十  
二月十三日中書門下省言諸路宣撫都副統制及行  
在三衙馬軍行司諸路都統司統制官以下並已各賜  
金兩戰袍緡錢外所有同權額外未填闕降授統制以  
下兵將官亦合等第支犒詔令封樁庫將同權額外未  
填闕降授統制以下兵將依正官例減半支給內戰袍

不減外路都統制司馬軍行司等處依此施行不曾被  
受朝廷付身之人止依本等給賜合用戰袍 嘉定三  
年三月二十二日詔收捕峒寇陣亡官兵錢米已支半  
年更特支半年內傷歸柵身死已支一季更特支一季  
暴露因病身死已支兩月更特支兩月從臣僚之言也  
四月十一日詔兵興以後旱蝗相仍物價踴貴都城尤  
甚行在諸軍宜加優恤可於內藏庫撥錢會共二十萬  
貫支犒一次照雪寒例倍支錢會中半給散如不敷於  
封樁庫貼降 七年十月一日詔雨水連綿三衙軍人  
內有口累重大之家理宜優恤令封樁支撥官會一萬  
二千貫付殿前司一百二十貫付馬軍司龍衛等指揮



一千五百貫付步軍司各仰照應嘉定七年下半年添支口累重大錢則例日下給散一次八年四月十二日以時雨未霽亦有是命同日樞密院言雨水連綿殿前司步軍司各有昨來陣亡并孤遺妻口老小及目今病患官兵理宜存恤詔令封樁庫支撥會子一千五百貫付殿前司六百貫付步軍司仰各司取見的實孤幼病患人數斟酌照等例給散一次八年五月八日樞密院言近因時雨未霽令封樁庫支撥官會付三衙照應嘉定八年上半年添支口累重大錢則例給散一次已將見請累重官兵人數逐一點名俵散訖今來竊慮各司尚有不該請添支累重錢官兵其間豈無老小重大

貧乏之人合議矜恤照得近據殿前司有散不盡錢一  
千一百一十六貫馬軍司有支不盡錢三十四貫八百  
詔令封樁庫日更支降會子一萬貫付殿前司一百二  
十貫付馬軍司龍衛等指揮並通接見樁管散不盡錢  
數并支降會子二千貫付步軍司仰各將見管不該請  
添支累重錢貧之官兵特與斟量支犒一次 九月十  
一日知真州六合縣劉昌詩言本縣屯戍歲一更替去  
年家撥到人馬逐名點揀並無老弱殘疾兼兼若逐教閱  
頗諳事藝亦熟地里軍民之心上下和協合舊循例更  
替不唯徒廢兩項起發錢米且又往來迢遞動涉月餘  
乞權留人馬在縣守禦一年緩急可使誠為利便照權

行存留一年統制官特支錢五十貫統領官三十貫正  
副將五員各一十貫準備將七員入隊官兵每各兩貫  
不入隊人各一貫五百令尚書省日下於戶部案名錢  
內照數科降 九年閏七月五日京湖制置趙方言江  
陵都統制史志辛若奉職明效可數今不幸遂為病人  
忠又至廉家無餘財乞褒賞而錫賚之不特施恩於忠  
且將以為奉職至廉者之勸詔令京西湖北制置司於  
本司見椿管行在會子內支撥三千貫付史忠充起發  
盤費 十二月九日樞密院言淮東西沿邊州縣各有  
見出戍官兵目今隆冬合議支犒詔統制官特支錢三  
十貫統領官二十貫正將一十貫副將七貫準備將五

貫撥發訓練官三貫部隊符合千人兩貫官兵每名一貫仰各州於有管官錢內以一色會子照數日下一併點名給散續其的實支散過人錢數目申取指揮科降撥還元借窠名不得稍有泛濫減尅仰更切契勘如有見差開壕燒窰等的實工役別項官兵及民兵忠義等人並照今來所降指揮等則更切斟酌特與支犒一次不得泛濫續併其實支用過人數目各項保明開具申樞密院湖北京西沿邊州縣亦頒是命十年四月二十一日樞密院言諸處出戍官兵舊例係分擘口券前去討聞在塞家口卻至贍給不敷合宜優恤詔諸軍見出戍官兵特與並免分擘口券全給其家所有本身每日

合添支錢並與添作一百文自今降指揮日為始內更  
願依舊分擘者聽 十一年三月十二日樞密院言諸  
軍擺鋪官兵及諸路擺鋪兵給承傳往來軍期違角委  
是不易理宜支犒詔令戶部并淮東西湖廣四川總領  
所各隨所隸地分將見在鋪執役人數每人特支犒役  
錢三貫 十二年六月十七日樞密院言京東劉金苗  
先倡義率眾來歸念其忠節實可嘉尚今雖見任淮東  
總管宜加優異詔劉金特與轉武翼大夫特賜金帶一  
條許令服紫更特賜錢五千貫於淮東轉運司朝廷椿  
管錢內支破 十一月一日樞密院言殿前司見行樺  
日教閱本司諸軍馬軍官兵呈使器械并呈試驍騎詔

除本司自行支犒外令椿庫日下支降官會二萬貫付  
殿前司更待等第支犒一次 十二月八日詔行胎軍  
楚州光州濠州安豐軍淮陰縣光山縣固始縣安豐縣  
霍邱縣出戍戰禦築城開濠等工役大軍并武定諸軍  
人兵又差出沿邊往來巡邏雄勝軍人兵內統制官特  
支錢五十貫統領官三十貫正將二十貫副將一十五  
貫準備將一十貫撥發訓練官七貫部隊將合千人四  
貫官軍武定軍人兵每名二貫其逐州縣屯駐兵效并  
淮陰縣屯駐水軍內統制官特支錢三十貫統領官二  
十貫正將一十貫副將七貫準備將五貫撥發訓練官三  
貫部隊將合千人二貫官兵每名一貫合用錢仰各州

縣於有管官錢內以一色會子照數日下一併點名給散續行開具的實支散過人錢數目中取指揮科撥還元借窠名不得稍有泛濫減剋以樞密院言久成極違隆寒暴露乞議支犒改也十五年十二月亦有是命併入海州十四年三月七日侍衛步軍司言殿前司去歲令收回司騎軍等帶甲教閱陣隊并呈試驍騎輪使器械蒙降官錢二萬貫應副犒賞本司今歲差發下括西溪牧放人馬過年於三月內呈有欲照例將騎軍教閱陣隊呈試驍騎及使器械一次所是入教人兵合支犒設實緣本司財計素窄別無寬餘錢物勞賞乞降指揮下所屬支降官錢付本司按教騎軍激犒詔除本司

自行支犒外令封樁庫日特支降官會七千貫付步軍  
司更特與等第支犒一次 十二月三日樞密院言汀  
賴州解到寄招义鑠手共三百人見在殿步兩司權管  
今來合行試驗支犒部押發遣前去淮西安撫司交管  
詔义鑠手每名特支官會一十貫殿前司步軍司部押  
將官每員三十貫訓練官每員一十五貫隊將每員一  
十貫教頭旗頭每人七貫將司醫人每人五貫白直每  
人三貫其餘令封樁庫日下照應支撥仍令承旨司檢  
詳所於試驗日逐一點名給散發遣十五年七月十二  
日招發到一百人起發前去楊州十月八日九十一人  
起發前去楊州七月十四日慶元府招發到水軍一百



五十人起發前去池州並如之十五年正月十六日皇帝受恭膺天命之寶赦文應內外諸軍將士等及忠義官兵并沿邊紉置軍分及拘集見今守禦民兵等并諸路安撫司神勁忠義軍親兵諸州府軍監禁軍土軍水軍廂軍鋪兵並特與犒設一次仍令戶部檢照淳熙十三年正月一日赦文則例行下合屬去處既而戶部檢具則例內外諸軍并見今出戍軍兵忠義官兵并沿邊紉置軍分及拘集見今守禦民兵去處統制五十貫統領三十貫正將二十貫副將十三貫撥發官同副將例準備將十二貫額外比正員下一等謂如額外統制只支給領三十貫之類至準備將免減使臣至帶甲準備

帶甲入隊官兵各十貫僦人輜重火頭各六貫隊外官  
兵各四貫諸路州府軍監揀中禁軍在寨人各兩貫五  
百禁軍土軍水軍各二貫廂軍鋪兵各一貫諸路總領  
所忠義官兵及民兵等令制置司總領所並各照則例  
支撥付部轄兵將官給散所有諸路安撫司神勁等軍  
并諸州府軍監廂禁軍土軍等並令所在州郡知通照  
則例給其合用錢許於逐處椿管或上供及諸司不以  
是何名色官錢內取撥充支具數聞奏詔忠義官兵并  
沿邊措置軍分及拘集見守禦民兵等令並照三衙內  
外大軍一體支犒其諸軍統制將佐等已該赦轉官外  
併與詔赦支給犒設三衙江上安撫司忠義親兵各二

貫五百班直押行門三十貫餘人十二貫班直下軍兵  
各四貫皇城司親從親事官各七貫院子五貫輦官各  
七貫後苑厨子御厨儀鸞司翰林司將校兵級各五貫  
軍頭司將校兵級各五貫御藥院工匠御酒庫御絁鞋  
所內東門司內藏庫內軍器庫脩內司御馬院騎御馬  
直左右驛驛院將校兵級壽慈宮擺鋪將校兵級各四  
貫樞密院親兵各三貫省馬院軍器所牛羊司金吾街  
仗司各二貫令戶部今來立定則例遍牒合屬去處夫  
猶施行 十七年三月七日詔紹興府五橫宮見管防  
守將校軍兵四百九十三人并諸色祇應人一百七名  
每歲雪寒錢與照臨安府體例於本府經總制錢內支

給具已支散數司申尚書省以檢察宮陵所言昭慈永  
祐永思永阜永榮陵五楨宮軍兵等元係步軍司差撥  
赴宮防守祇應分掌文厝在紹興府經總制庫支請諸  
般請給並依步軍司禁軍體例支破數內每次雪寒各  
人一貫未蒙支給故有是命